

欽定大清會典事例

欽定大清會典事例卷七百二十九

刑部

名例律

常赦所不原一

常赦所不原○凡犯十惡殺人盜係官財物及強盜

竊盜放火發冢受枉法不枉法贓詐偽犯姦略

人略賣和誘人口若姦黨及讒言左使殺人故

出入人罪若知情故縱聽行藏匿引送說事過

錢之類一應實犯皆有心雖會

赦並不原宥其過誤犯罪謂過失殺傷人失火及

因人連累致罪謂因別人犯罪連累以得罪者

如人犯罪失覺察關防鈔未及

干連類。若官吏有犯公罪。謂官吏人等因公事
使之類。若大書過錯之罪。皆無心誤犯。並從

赦宥。其

赦書臨時欽定。等賞犯罪名。持賜宥免。謂不言赦書

赦所不原。臨時定立罪名。及雖不免減降從輕者

謂降死從流。流從不在。此限。謂皆不在。赦所不原之限。

○附律一條。以一以

赦前事。告言人罪者。以其罪罪之。若干繫錢糧戶婚

田土等項。罪雖過

赦寬免。事須究問明白。應追取者。仍行追取。應改正者。仍行改正。謹案此條係

原例。載在五年移入此門。於究問明白下增註。○一。

文職官吏。舉人。監生。生員。冠帶官義官。知印。及

承差。陰陽。生醫。生。但有職役者。犯賊。犯姦。並一

應行止有虧。俱發為民。行止有虧事。散見諸條。文武官

吏人等犯罪。例該革去職役者。遇

赦取問明白罪雖

宥免。仍革去職役。各察發當差。例該革去職役。指犯姦。並行止有虧。

者。書。謹。案。此。二。條。均。係。原。例。乾。隆。五。年。刑。去。義。官。知。印。以。下。名。色。及。行。止。有。虧。察。發。當。差。等。

向。併。為。一。條。載。在。文。武。官。犯。私。罪。律。條。一。文武官員舉人。監生。生

員及吏典兵役。但有職役之人。犯姦盜詐偽。並

一應贓私罪名遇

赦取問明白罪雖

宥免仍革去職役

謹案嘉慶六年移附此律。又刪去冠帶官及俱發為民字樣。改定此

條

○一在京在外問擬一應徒罪俱免杖其已

徒而又犯徒該決訖所犯杖數總徒四年者在

京遇熱審在外遇五年審錄俱減一年若誣告

平人死罪未決杖一百流三千里加役三年律

比照已徒而又犯徒總徒四年者雖遇例不減

謹案此條係原例載在一凡在京在外已徒而

又犯徒總徒四年者遇例熱審之類恩赦減等俱

減一年。若誣告平人死罪未決。應杖一百。流三千里。加役三年者。遇例減等。減為總徒四年。若再遇例。仍准減一年。謹案此條雍正三年改定。凡在京在外已徒而又犯徒。律應總徒四年。及原犯總徒四年。准徒五年者。若遇

赦減等。俱減一年。其誣告平人死罪未決。應杖一百。流三年。里加徒役三年者。若遇

赦減等。減為總徒四年。若再遇

赦。仍准再減一年。

謹案此條乾隆五年增改。三十二年。又將遇例字改為赦字。

嘉慶六年移附此律。

一。凡在京在外已徒而又犯徒。律應

總徒四年。及原犯總徒四年。准徒五年者。若遇赦減等。俱減一年。其誣告平人死罪未決。應杖一百

流三千里。加徒役三年者。如徒役未滿。遇

赦減等。減為總徒四年。若再遇

赦。仍准再減一年。如已到流配。所加徒役已滿者。即

照尋常流犯減為徒三年。謹案此條嘉慶十六年增改。○一

凡關繫軍機兵餉重大事務。俱不准援

赦寬免。謹案此條雍正三年定。乾隆五年。刑重大二字。又以前錢糧撥充兵餉者甚多。虧欠在一萬

兩以下。俱不在不開兵餉。因於例後註關繫行開兵餉者乃坐九

字。○一。凡殺死本宗總麻以上尊長。及外姻小

功尊屬者。俱不准援

赦謹案此條雍正三年定。○一。誣告叛逆。被誣之人已決者。誣

告之人擬斬立決。被誣之人未決者。擬斬監候

不准援

赦。俱不及妻子家產。謹案此條雍正三年定。一。捕役誣擊良民。

及曾經犯竊之人。威逼承認。除被誣罪名。遇

赦尚准援免者。其反坐之番役亦得援

赦免罪外。若將平民及犯竊之輕罪人犯。逼認為謀

殺故殺強盜者。將捕役照例充軍。遇

赦不准援免。謹案此條乾隆五年定。嘉慶六年。因前條分別已決未決等語。應載誣告門。將

前條已決一層刪去。與後條併為一條。一。誣告叛逆未決。應斬監

候者。不准援

赦。又捕役誣等良民及曾經犯竊之人。威逼承認。除

被誣罪名。遇

赦尚准援免者。其反坐捕役亦得援

赦免罪外。若將平民及犯竊之輕罪人犯。逼認為謀

殺故殺強盜者。將捕役照例充軍。遇

赦不准援免。○。凡侵盜倉庫錢糧入已。數在一千

兩以上。擬斬監候之犯。遇

赦准予援免。如數逾一萬兩以上者。不准援免。謹案此條

雍正五年定。原載監守自盜倉庫錢糧律後例末尚有文武官員犯侵盜者俱免刺字二句。嘉慶六年移載此律。惟刪去末二句。仍歸侵盜本條。○一。凡遇

恩詔內開有軍流俱免之條。其和同誘拐案內。係民人。改發煙瘴少輕地方者。既准寬免。係旗下家人。於誘拐案內發遣為奴人犯。亦許一體援免。

謹案此條乾隆五年定。○一。直省地方。偶值雨澤愆期。應

請清理刑獄者。除徒流等罪外。其各案內牽連待質。及笞杖內情有可原者。該督撫一面的量分別減免省釋。一面奏

聞。謹案此條乾隆八年定。○一。凡察哈爾蒙古及札薩克地方。

偷竊四項牲畜罪應發遣賊犯遇

赦俱不准減等

謹案此條乾隆五十年定

○一凡觸犯祖父母

父母發遣人犯遇

赦查詢伊祖父母父母如願令其回籍者始准減免

謹案此條乾隆六十年定。一凡觸犯祖父母父母發遣之犯

遇

赦查詢伊祖父母父母如願令其回籍者始准減免

僕釋回後再有觸犯復經祖父母父母呈送民

人發往黑龍江給披甲人為奴旗人枷號兩月

仍發黑龍江當差

謹案此條嘉慶六年增定

。一凡觸犯祖父

母父母發遣之犯遇

赦查詢伊祖父母父母願令回家如

恩赦准其免罪者即准釋放若止准減等者仍行減

徒其所減徒罪照親老留養之例枷號一月滿

日釋放毋庸充配若釋放後再有觸犯復經祖

父母父母呈送民人發往黑龍江給披甲人為

奴旗人枷號兩月仍發黑龍江當差謹案此條

年增定十七年奏准釋回再犯之民人改發新

疆給官兵為奴道光六年調劑新疆遣犯改為

枷號兩月發雲貴兩廣極邊煙瘴充軍 ○ 一 凡
宗室覺羅及旗人民人觸犯祖父母父母呈送

發遣園禁之犯除恭逢

恩赦。仍遵定例查詢辦理外。若遇有犯親病故。許令親屬呈報各該旗籍。咨明宗人府。並行知配所督撫將軍。查覈原案。止係一時偶有觸犯。尚無怙終屢犯重情。並查看本犯果有聞喪哀痛迫切情狀。如係宗室覺羅。由宗人府奏請釋放。如係旗人。由各督撫將軍咨報刑部覈明。奏請釋放。若本係桀驁性成。屢次觸忤干犯。致被呈送發遣。情節較重之犯。俱不准釋回。

謹案此條嘉慶

十七年定。道光二十三年。於若本係桀驁。向上增如在逃。被獲。訊明實因。恩親起見。又有聞喪

衣痛情狀者。即免其逃罪。仍發原配安置。不准
釋回。其逃回後自行投首。及親屬代首者。遇有
犯親病故。准其察看情形。如實係竭喪衣痛。免
其發回原配。仍照不應重律杖八十。共十三句。
○一。凡傳習白陽白蓮八卦紅陽等項邪教。為
首之犯。無論罪名輕重。恭逢

恩赦。不准查辦。並逐案聲明。遇

赦。不赦字樣。其為從之犯。亦俱不准援減。

謹案此條道光十二年

年遵

旨定

○歷年天命十年。

頒詔大赦。自死罪以下。咸赦除之。○崇德元年。

頒詔大赦。除十惡外。咸赦除之。有以赦前事首告者。反

坐。○二年

頒赦除十惡外。一切註誤小竊盜隱匿咸宥釋之。○五年。

特旨赦死罪以下。○七年

諭爾等衆犯有應罪至死者。有應責應罰者。朕因行祈禱。皆釋爾罪。其各改過自新。○八年。

特旨自大辟以下。咸赦除之。○順治元年。欽奉

恩詔。赦死罪以下。○八年

諭大貪罪至死者。遇赦不宥。○九年覆准。督撫承問叩

聞事件。有情罪重大。不在

赦例者。依限審結。其餘輕罪。與

赦例相符者。即行釋放。彙題銷案。○十三年。欽奉

恩詔。除十惡及受贓官吏盜欠錢糧員役不赦外。其餘
死罪皆減一等。軍罪以下。咸赦除之。在京朝審候決
重犯。及直省秋決重犯。皆與減等發落。○十四年

諭。今歲自春入夏。連月不雨。三農失望。朕夙夜儆惕。默
思其故。必由刑獄未清。無辜冤抑。以致上干天和。膏
澤不降。特遣內閣大臣會同刑部。將現在獄犯。無論
已結未結。逐加詳審。其有無知而罹法網。小過而陷
重辟者。即與察覈奏聞。務使情法允協。有枉必申。以
昭朕祈天恤民之至意。○十五年。欽奉

恩詔除十惡死罪不赦外其餘死罪以下咸赦宥之。

康熙元年欽奉

恩詔凡罪不論已結及現在告發者但係元年以前事悉赦之。又定凡謀殺故殺案內干連人犯自軍流

以下徒杖以上俱照律例擬罪不得援

赦。○十七年覆准隱匿籍沒入官人口財物在

赦後發覺者不准援

赦。○二十一年

諭山海關以外及甯古塔等處官吏軍民人等除十惡死罪不赦外其餘已結未結一切死罪皆減等發落。

軍流以下。悉予赦免。○二十五年

諭。明罰敕法。國憲不可以已。雖嘗屢行矜恤。絕去煩苛。終思尚德。緩刑。乃為至治之極軌。自康熙元年。中外臣民。習染澆風。姦貪詐偽。頑鈍者恬弗知恥。狡黠者。譬不畏法。以致是非乖繆。綱紀陵夷。朕親政後。洞悉姦弊。加意釐剔。務使軌律干紀之衆。人無遁情。法無旁貸。庶幾禁遏頑豪。杜塞傲幸。近見罹罪罟者漸少。但革面未能革心。止因法令嚴密。輒思苟免。苟免之心切。則彌縫之弊深。巧偽滋多。亦未可定。今欲崇尚德化。務存博大。一切令之自新。除前經審擬完結各

案。及關繫工程錢糧不議外。一應枉法得贓行賄與受人員。仍革職免擬重辟。照例追贓。其未經發覺者。悉予寬免。有以諭前事叅計者。概不准。自諭以後。中外臣民。須洗心易慮。省改前非。守法奉公。敦勵廉恥。以副朕使人寡過之至意。○三十五年。覆准秋審減等安插尚陽堡等處人犯。既免死減等。與減降從輕之律相符。應援

赦寬免。○三十八年

諭。朕愛養生民。慎重刑獄。凡有奏讞。時示矜全。茲鑒與南巡。見沿途老穉男婦。環跪歡迎。心甚嘉悅。念此編

氓皆吾赤子。原期生聚教訓。共底善良。其或陷於刑章。致困囹圄。改過無路。惻然傷之。所經過山東江南兩省。現在監禁人犯。除十惡死罪。並官吏犯贓不宥外。其餘自康熙三十八年三月二十六日以前。死罪及軍流徒罪以下。已結未結。悉著寬釋。此朝廷巡幸所至。欲使並生之至意。可通行曉諭。咸悉朕懷。○又諭朕巡視東南。行次浙省。留蹕數日。以慰喁喁。奏請之情。獨念獲罪人犯。身淹刑獄。一干法網。無由自新。茲乘輿經臨。惻然矜憫。用沛好生之澤。聿示格外之仁。該省各屬地方。有罪犯現在監禁者。令照山東江南

例一體赦免。○四十二年覆准。

赦書一到。火速奉行。如不肖官將軍流徒犯。故意遲延。詐取銀兩者。上司官查出。題叅重處。若上司徇情不叅。一併交與該部嚴行議處。○四十五年

諭刑部。緩決人犯。至三四次者。免死減等。○五十四年。覆准。劈鞘盜課。分用銀兩之犯。不准援

赦。○五十五年奉

旨。刑部緩決人犯。長繫囹圄。殊屬可憫。令九卿會同按。其年分久遠。情屬可矜者。分別奏明減等。○五十七

年

諭。各省緩決人犯。分別減等。○六十一年。

詔赦天下。○又

諭。恩詔內赦罪一款。非朕本心。徒為惡人傲幸。於事有何裨益。但朕即位之初。諸臣援例陳請。不得不允奏施行。凡此罪人。皆因其自取之罪。並非強治其罪也。此番援赦豁免人等。俱宜詳記檔案。如既赦之後。仍不改惡。干犯法紀。務將伊等前罪加倍罪之。著詳悉曉諭。並行文各省一體遵行。○雍正元年。

詔赦天下。○十三年。欽奉

恩詔大赦天下。○又奉

旨。現今所犯罪重並拖欠銀兩數多之人。因遇恩詔。尚
邀豁免。其從前拖欠銀兩之人。若以既入辛者庫。已
經結案。遂不得入於赦免之例。實屬可憫。著交與內
務府刑部。將一應不能完交錢糧。已入辛者庫。及犯
罪入辛者庫人等。原案情由。並伊等祖父原係何人
之處。皆著查明具奏。再從前漢人犯罪。入旗入辛者
庫。安插莊屯者。亦令查明一併具奏。○又欽奉

恩詔。從前發往各處安置人員。查有情罪尚輕。在外已
過三年。能安靜悔過者。具奏請旨。又軍流人犯。有本

人身故。其妻子願回本籍者。著該管官覈明報部。即令回籍。不得留難。永著為令。○又欽奉

恩詔。除十惡不赦外。犯法婦人。盡行赦免。○乾隆元年諭。明罰敕法。國之大典。而肆赦所加。原以昭法外之仁也。恩詔之頒。期以息事甯人。使遠邇咸知。遷善改過。共為良民。以成太平之治。乃聞各直省於一切案件。仍行提審駁審。嚴刑酷吏。恣意株連。使無辜之人。困於囹圄。細微之事。刻為鍛鍊。含冤稱屈。所在多有。夫罪名未定。案情未協。或有仍須詳審者。但既非犯在不赦。則斷讞亦易成招。若使合於赦款之人。不得即

邀赦免之澤。而以酷刑斃命。或因控累破家。則後即
審明援赦。亦已無及。是朝廷已生全之。有司故戕害
之。藐視功令。殘虐民生。莫此為甚。且頒詔之後。已逾
半年。而題結咨結批結之案。尚屬寥寥。遲玩已極。著
刑部即行令各該督撫。速行嚴飭各屬。立即詳慎查
明。逐一詳報。歸結省釋。如有仍前濫刑擾累。及耽延
滋弊。以阻抑國家德意者。一經查出。罪有攸歸。斷不
輕貸。即刑部所有案件。亦應速為剖析。勿致沈閣。以
副朕哀矜庶獄之意。○又

諭。倫達禮奏請定遇赦人犯再犯罪名條例一摺。從前

遇赦免罪人犯如再犯法。絕加倍治罪之旨。係恐其再犯。所以使之知儆。勉為良民。耳。如必交刑部另定。一遇赦免罪人再犯。加倍治罪之例。是必其再犯也。朕何忍如此薄待吾民乎。即據所定。亦不能盡情盡法。毋枉毋縱也。且頭緒紛繁。亦難盡一。此事惟在地。方大吏。善為開導。必使遇赦之人。羣聞朕旨。知有所感。而不忍為非。知有所懼。而不敢犯法。則善矣。即有一二再犯之人。亦應量其情罪。哀矜弗喜。豈可概定一律。以待人之再犯乎。倫達禮此奏著發回。該部即行文各省督撫。將朕此諭。徧行曉諭。咸使聞知。○二

年。欽奉

恩詔。現在定議。軍流徒罪人犯未至配所者。概予寬免。
○又議奏。將從前不能完納錢糧入辛者庫。並
安插屯莊及犯罪入辛者庫之本身及妻子等
各案情。查明具奏奉

旨。將伊等本身及伊等妻室子孫。皆從寬准其釋歸旗
籍。○又覆准。從前八旗滿洲及內務府五旗王公府
屬滿洲。凡因罪給予公主郡主之人。查其案情
輕重。並將伊等祖父及本身有無效力之處。查
明具奏。請

旨赦令回旗。○又欽奉

恩詔。漢軍犯軍流罪者。已照舊例以枷責完結。其從前發遣在配者。該部按其情罪。具奏請旨。又軍流人犯已到配所者。向例遇赦不准放回。今特加恩。此等人犯內。除情罪重大。及免死減等。實係兇惡根徒外。其餘因事議遣在配已過三年。安靜悔過。情願回籍者。該督撫具奏請旨。准其回籍。○又

諭。從前發遣各處之人。其情罪尚輕者。先於恩詔內。令該管官具奏請旨。其情罪較重者。原無赦回之例。今朕思未經赦回之犯。其中有年逾七十。雖原案較重。

而年已衰老。且在外年久。國法已伸。仍留遣所。情亦
可憫。著該管官覈明。除強竊行兇等重罪外。其餘各
犯。有年老在七十以上者。將所犯情罪。具奏請旨。再
軍流人犯。本身已故。其妻子准其回籍。已於恩詔內
著為定例。今朕思從前發遣在外安置及當差之犯。
雖情罪較重。然本身已故。其妻子原係連坐之人。著
各該管官覈明。報部奏聞。准其回籍。○又

諭。兩澤愆期。恐有滯獄。前已降旨刑部。將牽連待質人
犯。及枷責輕罪。悉行覈明省釋。至於雍正十三年。兩
次恩詔後。仍行監禁者。原係不應赦免之人。上年秋

審時。已令九卿科道等。將康熙五十二年。至雍正三年以前。不赦之案。復加分別減等。其雍正四年以後。十三年以前。所有不赦各案。其中有介於疑似。及屢經秋審。緩決之犯。或尚有可矜。亦未可定。著總理事務王大臣。會同刑部。將秋審朝審招冊。詳加覆勘。如果有一綫可原。應行減等。即酌定請旨。○五年

諭。現今兩澤愆期。朕宵旰憂勞。無時或釋。因思清理刑獄。亦感召

天和之一端。爾部現在監禁人犯。內有一綫可原者。著大學士軍機大臣等。會同爾部。分別具奏。候朕降旨。

其輕罪人犯有應減等者亦著具奏減等速行發落

○七年

諭數月以來雨澤稀少朕宵旰靡甯虔誠祈禱雖得微雨未為霑足從前因天時亢旱曾降旨清理刑獄今著刑部將在部各案內有牽連待質者有輕罪情可矜原者或應省釋或應末減會同都察院大理寺悉心詳覈妥議具奏至於直隸山東河南三省目下雨暘不均亦著照此例行嗣後各省凡遇災眚之年著該撫將清江刑獄之處奏聞請旨○又

諭今年上下雨江被水情形非常年可比朕宵旰焦勞

凡極撫綏之道。亦屢經籌畫矣。今又思周禮荒政。載有緩刑之條。是舉行矜恤之典。亦感召和氣之一端。現在江蘇安徽兩省。秋審人犯中。有情有可原。當在矜疑之列者。或多年緩決。不至正法。久繫囹圄者。皆應減等完結。以示因災恤刑之意。著大學士會同刑部。詳閱招冊。分別妥擬具奏。○十年

諭京師三月以來。雨澤愆期。今麥秋已屆。未沛甘霖。仰望心切。朕已降旨虔誠祈禱。因思清理刑獄。亦祈求雨澤之一端。著刑部堂官。將徒杖以下等犯。覈明情罪。或應釋放。或應減等。即行具奏。其尋常案件。亦速

為完結。毋得牽連稽延。並行令直督一例辦理。○十

一年

諭古帝王治天下之道。以省刑薄賦為先。朕臨御以來。愛育黎庶。惟日孜孜。於茲十年矣。仰荷

天

祖眷佑。海宇乂安。萬民樂業。朕心慶慰。特沛曠典。與民休息。上年夏月。頒發諭旨。將天下正賦。普免一周。是閭閻已均被惠澤矣。惟念各省獲罪之犯。於上年勾到之後。現在羈禁囹圄者。雖伊等孽由自作。法無可寬。而其中情事不同。輕重亦有差別。國家赦宥之典。

或因行慶施惠。或因水旱為憂。聞一舉行。今朕哀矜
庶獄。不忍令其淹滯。圓扉。所有刑部及各省已經結
案。監禁人犯。除情罪重大。及常赦不原者。毋庸辦理
外。其餘著大學士會同刑部酌量分別。請旨減等發
落。其軍流徒杖以下。一併分析減等完結。俾伊等同
霑肆赦之恩。勉圖自新之路。以副朕協中欽恤本懷。

○又

諭。朕特行赦宥之典。將刑部及各省已經結案人犯。令
大學士會同該部酌量案情。請旨分別減等發落。軍
流徒罪以下人犯。一併分析減等完結。後經大學士

等。將已經定案者。分別辦理。其各省審題案件。經法
司衙門駁詰。尚未題覆者。凡自乾隆十一年正月初
三日以前。羈禁人犯。仍准於該督撫定案之日。分別
減等。惟是外省人犯。該督撫審題。法司指駁者。既得
邀恩。而在外督撫指駁未結者。其犯罪羈禁年月。同
在恩旨以前。亦應一體霽恩。著將在外督撫指駁未
結各案。及恩旨以前。已經督撫定案。尚未題達者。自
乾隆十一年正月初三日以前。並令刑部覈明。仍著
大學士會同該部。分別減免請旨。其各省所有尚未
具題之案。著該督撫於題本內。將事在恩旨以前之

處聲明。法司隨本分別請旨。○又

諭。朕此次西巡。輿蹕所經。兵民歡慶。惟念圓扉之中。不得一體霑恩。朕心深為惻然。著將直隸山西二省本年正月初三日恩旨以後。所有軍流以下人犯。令該督撫分別情罪。請旨減等發落。○十五年。欽奉

恩詔。秋審緩決五次以上人犯。量予減等。犯法婦女。除十惡不赦外。其餘概予赦免。現在監候質審干連人等。准予保釋。○又

諭。朕今歲初次巡幸豫省。鑿輿所過。既已疊沛恩施。惟是薄賦省刑。事宜並舉。所有河南省軍流以下罪犯。

著查明減等發落。用昭慶典。俾予自新。○十九年

諭仰惟

列祖創業東土。光啟萬年景運。

山陵永峙。

福佑靈長。我

皇祖聖祖仁皇帝三詣陪京。

躬親展謁。禮成行慶。典冊昭垂。朕寅紹丕基。時深景慕。

緬自乾隆八年秋。瞻仰

橋山。迄今已逾十載。追遠之誠。常如一日。本年七月。恭

奉

皇太后安輿由熱河起鑿。取道吉林。巡歷遼瀋。車駕所至。兵民各安本業。風俗淳樸。輦路歡迎。扶攜恐後。具著忠愛。悃忱。仰見

先澤留貽。久而益懋。朕心深用欣慰。茲於九月初五等日。謁祭

三陵。大禮告成。宜敷愷澤。其將奉天所屬府州縣。乾隆十九年地丁正項錢糧。通行蠲免。經過地方。前旨所免十分之三。及被水地畝。應蠲錢糧。仍於明年應徵額內補行豁除。自山海關以外。及甯古塔等處。官吏軍民人等。除十惡死罪外。其餘已結未結。一應死罪。

皆著減等發落。軍流以下。悉予寬免。凡我留都士庶。尚其敬念根本重地。益務敦龐。毋忘先民矩矱。共享昇平之福。永承樂利之庥。用稱朕嘉惠優恤至意。○

二十年。欽奉

恩詔。除謀殺故殺外。如原無讎隙。偶因一時忿激。相毆傷重。致死者。將兇犯免死。決杖一百。照例追銀四十兩。給死者家屬。軍流以下人犯。概予減等。除十惡不赦外。犯法婦人。盡行赦免。現在內外監候質審及干連人等。概予釋放。○二十一年

諭。朕今歲前詣山東省方觀民。恩膏疊沛。而有罪者不

獲自新。朕甚憫焉。其將山東一省現在軍流以下人犯。悉予減等發落。○二十二年

諭江浙二省獄滋繁。朕巡省所至。覃布恩膏。黎庶均霑。閭閻愷樂。而有罪之人。囹圄柱桎。實由自取。亦何恤焉。但念獄一成而不變。其中姦民之犯法者固多。而無知誤蹈之人。亦所時有。况未抵於重辟。尚可望其自新。用播德音。以符寬大。所有江蘇安徽浙江等屬軍流以下人犯。俱著加恩。各予減等發落。○二十

三年

諭京師三月以前。連得雨澤。麥秋可望豐稔。入夏以來。

雖得有微雨。未能霑透。麥秋分數頗減。而大田此時業已播種。待澤甚殷。朕心深切軫念。已降旨令該部虔申祈禱。因思清理刑獄。亦祈求雨澤之一端。著刑部堂官。照乾隆十年十五年之例。將徒杖以下等罪。查明情節。或應釋放。或應減等者。即行具奏。其尋常案件。亦著速為完結。毋得稽延滋累。並行令直督一體辦理。○二十四年

諭京師三月以來。雨澤稀少。直屬地方亦未得透雨。朕心深切軫念。因思清理刑獄。亦祈求雨澤之一端。著刑部堂官將徒杖以下等罪。查明情節。或應釋放。減

等者。即行具奏發落。其尋常案件。亦著速為完結。毋得稽延滋累。並行令直隸總督一體辦理。○又欽奉恩詔。流徙人犯。在流徙處所身故。其妻子願回籍者。該地方官查明報部。准其回籍。現在軍流以下人犯。概予減等發落。○二十六年

諭。今歲恭逢

皇太后七旬萬壽。所有慶典。次第舉行。現在刑部辦理秋審案件。內緩決人犯。其罪不至情實。而亦難遽從矜減者。閱時既久。淹繫遂多。應酌量查辦。以清獄牘。該部將朝審秋審各犯。緩決至三次以上者。覈其情

罪。分別請旨。減等發落。用昭推廣。

慈恩矜恤。祥刑至意。○二十七年

諭。朕稽古省方。乘春布令。而清理庶獄。矜恤尤深。用沛德音。式昭慶典。所有江蘇安徽浙江三省軍流以下人犯。俱著加恩減等發落。凡親民之吏。其諄切誥誡。俾知改過自新。共享太平之福。○三十年

諭。朕時巡江浙。清蹕所經。思膏壘沛。軍民士庶。無不抃舞。臚歡。而清理庶獄。亦矜恤所宜逮。著將江蘇安徽浙江三省軍流以下人犯。俱著加恩各予減等發落。俾得改過自新。勉為良善。共享太平之福。○三十二年

論此次巡幸天津。閱澤草數。俾羣黎各得其所。而清理
庶獄。予以自新。亦恩施所宜逮。所有直隸省軍流以
下人犯。著該督飭屬查覈案情。分別減等發落。

欽定大清會典事例卷七百三十

刑部

名例律

常赦所不原二

乾隆三十五年

諭朕恭奉

慈軍巡莅天津聞澤阜敷俾羣黎各得其所而清理庶
獄予以自新亦恩施所宜逮所有直隸省軍流以下
人犯著該督飭屬查覈案情分別減等發落○又

諭京師自入夏以來得雨尚未深透業經降旨設壇祈
禱因思清理庶獄亦祈求雨澤之一端著刑部堂官

查明軍流以下等罪情節。分別減等發落。其因事牽涉拘繫質訊者。亦著速予省釋。至尋常案件。並著即為完結。毋得稽延滋累。○三十六年

諭。京師及近畿。春膏未渥。入夏以來。得雨亦未深透。現在將屆芒種。高下田畝。待澤維殷。業經降旨設壇祈禱。因思清理庶獄。亦足感致甘霖。著刑部堂官查明軍流以下等罪情節。分別減等發落。其因事牽涉拘繫質訊者。亦速行訊明省釋。至尋常案件。並著即為完結。均毋得稽延留滯。○又

諭。昨以京師及近畿甘霖未沛。農田待澤甚殷。因命刑

部將軍流以下等罪分別減等發落。今思秋審人犯。尚有曾經三次緩決者。其情罪俱尚可原。今歲恭逢萬壽慶典。此等人犯。亦當在恩詔寬減之列。又何必令其久繫囹圄。著刑部堂官將秋審緩決三次人犯。逐一查明酌量所犯情節。分別減等具奏。○又

諭山東省軍流以下人犯。悉予減等發落。○三十八年
諭朕恭奉

皇太后慈輿。巡莅天津。閱視河工水利。因思清理庶獄。予以自新。亦恩施所宜逮。所有直隸省軍流以下人犯。著該督飭屬查覈案情。分別減等發落。○三十九

年

諭京師及近畿地方。春霖未獲優霑。入夏以來。尚未得有透雨。現在虔申祈禱。因思清理庶獄。亦足感沛甘膏。著刑部堂官查明軍流以下等罪情節。分別減等發落。其因事牽涉拘繫候質者。亦速行訊明省釋。至尋常案件。即為完結。毋得稽延留滯。其直隸省一體遵照查辦。○四十一年

諭茲當金川全境蕩平。告功

孔廟。躡途所經之地。業已疊沛恩施。第念武功耆定。兵氣永銷。並宜式措祥刑。益敷愷澤。所有直隸省現

在軍流以下人犯。著加恩。悉予減等發落。用昭行慶。肆眚之至意。○又

諭朕因金川埽穴擒渠。告功

闕里。恭奉

聖母慈輦。瞻禮

岱廟。迓福祝

釐宜益溥。浩蕩之恩。以廣

慈慶。著將山東省軍流以下人犯。照例減等發落。用昭

欽恤。推恩至意。○又欽奉

恩詔。直隸山東軍流以下人犯。業經躡路經由。降旨減

等發落。其在京刑部。及各省軍流以下人犯。並著加恩。概予減等發落。流徙人犯。在流徙處所身故。其妻子情願回籍者。該地方官報明該部。准其各回原籍。滿兵跟役脫逃。如無偷竊軍械馬匹等項情事。著照前降寬免餘丁諭旨。交部一體覈擬發遣。○四十二年欽奉

恩詔。在京及各省軍流以下人犯。分別減等發落。○四
十三年

諭。前經降旨。直省軍流人犯。內已過十年者。查明省釋回籍。今自乾隆十一年查辦之後。歷時已久。各省到

配人犯所積漸多。自應再沛恩施。用昭矜恤。况近年以來。屢命將秋朝讞。緩決至三次。各犯概予減等。而此項軍流人犯。其從前情罪本屬稍輕。轉未得仰邀曠典。亦屬可憫。著交各省督撫查明各該地方。從前軍流人犯內已過十年。安分守法。別無過犯者。分別咨部。照十一年之例。彙擬奏請省釋。其有在配年久。自能謀生。不願回籍者。仍聽其自便。○又

諭京師及畿輔春膏未溼。昨雖有微雨。不成分寸。現在已交夏令。高下田畝。待澤維殷。因思清理庶獄。亦足

感召

天和著刑部堂官查明軍流以下等罪。分別減等發落。其因事牽涉拘繫質訊者。亦速行訊明省釋。至尋常案件。並著即為完結。毋得稽延留滯。直隸省並一體遵照辦理。○又

諭。河南省開封彰德衛輝懷慶河南五府屬。今春雨澤愆期。設壇祈禱。尚未據報得有透雨。朕心深為廬念。因思清理庶獄。亦感召

天和之一端。著該撫將開封等五府屬所有軍流以下人犯。查明分別減等發落。其因事牽連拘繫者。亦即審明省釋。至尋常案件。並著速為完結。毋得稍有稽

延以期甘膏早沛。○又

諭前因河南開封等五府屬雨澤愆期。麥田被旱。曾經降旨將該五府軍流以下人犯。分別減等發落。以冀仰逮。

天澤。但思歸德陳州等府。雖先後據報得雨。其餘各府州屬。尚未普霑。且同在一省之中。恩宜徧逮。著該撫查明河南通省軍流以下等罪。一體分別減等發落。其因事牽涉拘繫質訊者。亦速訊明省釋。至尋常案件。並著即為完結。俾庶獄無滯。速召和甘。○又

諭盛京等處俗厚風淳。獄訟衰息。惟因五方雜處。良莠

不齊。其無知而蹈法網者。亦復不免。朕恭謁

祖陵。禮成行慶。業經疊沛恩膏。並宜式措祥刑。益敷愷澤。所有奉天吉林黑龍江等處軍民人等。除十惡死罪及秋審情實各犯外。其餘已結未結一應死罪。俱著減等發落。軍流以下。悉予寬免。○四十五年欽奉恩詔。各直省軍流以下人犯。俱著減等發落。○又

諭。朕鑿輅時巡。乘春行慶。而清理庶獄。矜恤尤深。用沛德音。式敷愷澤。所有江蘇安徽浙江三省恩詔後軍流以下人犯。俱著加恩各予減等發落。○四十八年諭。三月二十八日京師及近畿得雨後。近已彌月。雖屢

降微雨。總未優霑。現在時交芒種。朕心望澤孔殷。因思清理庶獄。或可感召甘膏。著刑部堂官查明軍流以下罪名情節。分別減等發落。其因事牽涉拘繫候質者。亦速行訊明省釋。至尋常案件。並著即行完結。毋得稽延留滯。其直隸省並交該督一體遵照辦理。

○又

諭朕恭謁

祖陵。禮成行慶。並宜式措祥刑。益敷愷澤。所有奉天吉林黑龍江等處軍民人等。除十惡死罪。及秋審情實各犯外。其餘已結未結。一應死罪。俱著減等發落。軍

流以下。悉予寬免。○又

諭朕清驛巡方。順時行慶。而矜恤庶獄。廩念尤深。宜沛德音。用敷愷澤。江蘇安徽浙江三省軍流以下人犯。俱著加恩。各予減等發落。○又

諭朕巡幸江浙。慶典覃敷。於庶獄尤深矜恤。業已降旨。照歷次南巡之例。將江浙二省軍流人犯減等發落。但念山東直隸二省。現在缺雨。農田望澤維殷。清理庶獄。亦可感召。所有該省軍流以下人犯。亦一體加恩。各予減等發落。用普恩施。以期甘霖速沛。○五十年。欽奉

恩詔。直省軍流以下人犯。俱著減等發落。○又

諭。本年舉行千叟燕盛典。官民耆老。咸得普被恩施。用彰錫福。其直省軍流以下人犯。亦於恩詔內概予減等發落。惟罪犯斬絞情節不致予勾。或本擬緩決者。俱應牢固監禁。該犯等因身罹重辟。雖年已老邁。仍不免羈禁囹圄。未得一體邀恩。朕心深用惻然。著刑部堂官於朝審秋審情實未勾。並原擬緩決斬絞人犯內。詳加查覈。除近年新事及年未七十者。仍牢固監禁外。其餘年七十以上。未經予勾。及本擬緩決之犯。著加恩分別減免釋放。○五十三年

諭京師於三月二十日得雨後。至今半月有餘。未經續得透雨。現在大田播種之際。朕心望澤甚殷。因思清理庶獄。或可感召甘膏。著刑部堂官查明徒罪以下各案犯情節較輕者。分別減等發落。其因事牽涉拘繫候質者。亦速行訊明省釋。至尋常案件。並著即行完結。毋得稽延留滯。○五十五年。欽奉

恩詔。各省監禁人犯。著將上年秋朝審緩決至三次各犯。仍照節次查辦之例。查明所犯情節。分別減等發落。其緩決一二次人犯內。案情本輕。可予矜原者。亦著該部查明。請旨定奪。現犯軍流以下人犯。俱著減

等發落。在配軍流人犯。已過十年。安分守法。別無過犯者。著各督撫分別咨部。查照向例。覈擬奏請省釋。

○五十六年

諭京師自三月得有膏雨以後。近畿一帶。業據奏報。普霑渥澤。京城一月以來。雖間有微雨。未得深透。現屆大田播種之際。望澤甚殷。因思清理庶獄。或可感召甘霖。著刑部堂官查明徒罪以下各案犯情節輕者。分別減等發落。其因事牽涉拘繫候質者。亦速行審明省釋。至尋常案件。並著即行完結。毋得稽遲。

○五十七年

諭京師自本年二月以來雖經節次得雨總未霑足現屆麥苗長發之際望澤甚殷因思清理庶獄或可感召甘霖著刑部堂官查明徒罪以下各案情罪較輕者分別減等發落其因事牽涉拘繫候質者速行訊釋尋常案件亦著即行完結○又

諭京師自春徂夏總未得有透雨朕齋心虔禱望雲瞻禮宵旰靡甯節經降旨屢沛恩施以期感召甘和渥霑澍澤旬日以來尚在盼雨未得朕心實增焦切因思近年來臺灣海洋盜氛甚熾旨諭該省督撫從重示懲原期禁戢兇暴以安良善乃積年附近海洋省

分督撫等奏報拏獲洋盜多係一面奏聞一面即行正法。雖屬辟以止辟之意。第恐所獲之犯未必盡係正盜。甚至愚民重利輕生。頂兇認盜。而正盜轉至遠颺。又或姦民因讎誣指。其中或有冤抑。亦未可知。殊非朕靖盜安民之本意。各省用刑失當。雖距輦轂甚遠。然皆朕率土之民。京師缺雨。或由此乎。朕子惠元。元遠近豈有歧視。此後臺灣地方拏獲盜犯。該督撫審明後。如果係首盜。自應即行正法。以儆兇頑。若止係隨從夥黨。及把風接賊等犯。仍按照常例。分別辦理。其附近海洋及各直省。凡遇命盜等案。俱應細心

研訊務期情真罪當。按例辦理。不得有意從嚴。株連
挖累。此係朕額

天祈澤。夙夜焦勞之極思。各督撫等尚其敬體朕意。詳
慎庶獄。以期共迓祥和。庶冀甘霖速沛。○五十八年
諭。熱河自七月初八日得雨以後。旬餘未經續沛。醴膏
連日暑氣鬱蒸。京城想必更甚。雖現在莊稼將次刈
穫。直隸山東各省。已據奏報豐收。即雨澤稍缺。於農
田固無妨礙。但目下業已過處。暑出伏。而煩歎未退。
恐民間不免有蘊蒸致疾之處。朕心望澤孔殷。因思
清理庶獄。可期感召甘霖。著刑部堂官查明徒罪。以

下各案情罪較輕者。分別減等發落。其緣事牽涉拘繫候質者。亦速行訊明省釋。至尋常案件。並著即行完結。毋得稽滯。以迓甘和。○又

諭。京師入冬以來。尚未得有雪澤。允宜清理庶獄。感召天和。所有朝審秋審情實未勾已過三次各犯。著加恩改入緩決。其由實改緩已過三次人犯。及原擬緩決已過一二次者。俱著該部查明各案所犯情節。分別減等發落。○五十九年

諭。熱河自六月下旬雨後晴霽。暑氣鬱蒸。京城自必更甚。恐民間不免有蘊蒸致疾之處。其緣事拘繫固圉

者。尤可矜憫。自宜清理庶獄。以期納爽。延麻著刑部查明徒罪以下。分別減等發落。其緣事牽涉拘繫候質者。速行訊明省釋。尋常案件。即行完結。毋得稽延。其承德府所屬監禁各犯。並著一體查明。就近具報軍機大臣。分別覈辦。○又

諭。熱河旬餘以來。晴霽積久。暑氣薰蒸。已命軍機大臣將承德府所屬監禁各犯減等發落矣。因思京城雖已得雨。而當此暑伏之際。其緣事拘繫羈禁囚圜者。殊堪矜憫。且清理庶獄亦足以感召甘霖。著刑部堂官查明徒罪以下者。分別減等發落。以示體恤。○嘉

慶元年。欽奉

恩詔。官吏兵民人等有犯。除謀反叛逆。子孫謀殺祖父。母父母。內亂。妻妾殺夫。奴婢殺家長。殺一家非死罪。三人。採生。折割人。謀殺。故殺。真正人命。盡毒。魘。魅。毒。藥。殺人。強盜。妖言。十惡等。真正死罪。不赦外。軍機。獲。罪。隱匿。逃人。亦不赦外。其餘自嘉慶元年正月初一日以前。已發覺。未發覺。已結。未結者。咸赦除之。有以赦前事。告訐者。以其罪罪之。各省軍流人犯。查明到配。三年。實在安靜守法。及年逾七十者。釋放回籍。○

二年

諭本年春雨頻霑。麥苗正長發茂盛。立夏後又得雨一次。雖尚可接潤。但又逾旬日。未經續獲透雨。農田不無望澤。朕心深為廕切。著該部照例設壇虔誠祈禱。以期渥沛甘膏。再清理庶獄。亦足感召和甘。並著刑部查明各省軍流以下各案。分別減等發落。其因事牽涉拘繫候質者。亦速行訊明省釋。至尋常案件。並著即行完結。毋得稽延。以迓麻和。而昭敷錫。欽此。遵旨奏准。各省已未起解。及在配軍遣流徒各犯。均分別減等發落。該督撫照例於一月內。將軍流遣犯彙疏具題。徒犯咨部覈覆。○三年

諭本年二月以來。雖得有雨澤。究欠霑足。現交立夏。麥苗長發。大田播種。尤須膏澤。業已設壇虔禱。甘膏未沛。因思清理庶獄。足以感召和甘。著刑部查明各省軍流各案。分別減等發落。其因事牽涉拘繫候質者。亦速行訊明省釋。以迓麻和而祈渥澤。欽此。遵

旨奏准。新疆黑龍江軍臺官常各犯。一併覈辦。分別減等。○四年。欽奉

恩詔。現在內外監候質審及干連人等。俱著准其保釋。軍流人犯。有本人身故。其妻子情願回籍者。該管官報明該部。准令各回原籍。○又奉

恩詔。直省軍流以下人犯。分別減等發落。○五年

諭。本年入春以來。雨澤較少。今已立夏。麥苗正資長發。而時雨尚稽。農田望澤維殷。朕心深為廬切。著該部照例設壇祈禱。以期渥沛醴膏。再朕思清理庶獄。亦足以感召和甘。著刑部查明各省軍流以下各案。及在配者。分別減等發落。其因事牽涉拘繫候質各犯。亦速行訊明省釋。至尋常案件。並著即行完結。毋得稽遲。○又

諭。前因立夏以後。時雨尚稽。農田望澤甚殷。業經降旨清理庶獄。令刑部將各省軍流以下各案。及在配者。

分別減等。今又思刑部及各省監獄內。尚有永遠監禁。並永遠枷號各犯。亦宜推廣仁施。一體查辦。著刑部查明各原案。摘敘事由。開單進呈。候朕酌量加恩。以期甘霖渥沛。○又

諭。入春以來。雨澤較少。立夏後仍未得甘霖。農田望澤維殷。朕心深為焦切。業經降旨。將各省軍流以下各案。分別減等。其刑部及各省永遠監禁人犯。亦曾一體查辦。而時雨尚稽。寸衷悚惕。反覆思維。惟有渥沛恩施。庶可仰祈

昊貺。因思從前辦理重案。如甘肅捏災冒賑。及各省虧

空倉庫。廢弛地方。貪贖贓私各案。其犯官尚有久禁
囹圄。及各員子孫釋放回籍後。仍不准當差。應試之
人。又發遣新疆。比照大逆緣坐人犯。上年已降恩旨。
分別情罪。准令釋放。而各該處官常人犯。尚有在配
年久。永遠不准釋回者。俱著刑部詳悉查明事由。分
別開單進呈。候朕酌量加恩。以期敬迓麻和。速敷霽
澤。○又

諭。本年春夏以來。雨澤愆期。節經降旨加恩。本日仰邀
昊貺。甘雨應時。尤當渥沛恩膏。用昭翕應。除將昨降恩
旨。仍查覈加恩外。並將宗人府。永遠圍禁人員。及發

往軍臺效力年久之人。一併查明請旨辦理。以示敬
遷

天和恩施無已至意。○六年

諭。御史鄭敏行奏請定觸犯父母發遣人犯不准援赦
之例一摺。此等遣犯。向例皆不准援赦。嗣於乾隆六
十年查辦發遣人犯。欽奉

皇考高宗純皇帝特旨。如查詢伊祖父母父母願令其
回籍者。即准釋回。敬繹

聖意。子孫違犯教令。其祖父母父母送官發遣。或係出
於一時氣忿。及至子孫遠戍。後來未必不心存繫念。

是以

皇考特諭有仍願子孫回家者。准其援赦。係曲體天下為祖父母父母者之心。並非於曾犯忤逆之人稍有寬宥。自當永遠遵行。乃該御史摺內稱彼時

皇考因次年即值歸政之期。法外施仁。尤屬措詞失體。我

皇考矜慎庶獄。六十年如一日。此事特溥如

天之仁。推而及於庶民愛子之至情。於歸政何涉。該御史輒冒昧撫陳乎。至該御史既知以孝治天下。豈有皇考欽定例條輕言更易之理。所有觸犯父母發遣人

犯。如遇恩赦。傳詢各犯祖父母父母。有願伊子孫回家者。仍欽遵。

皇考諭旨。准其釋回。以符孝治天下之美。倘赦回後再有忤逆情事。一經呈告。即當加倍治罪。至前定父母已故。准令釋回條例。係彼時軍機大臣所議。原未允協。忤逆發遣之人。若謂伊父母已故。不致再有忤逆情事。即准釋回。殊非情理。况該犯於親在時。既敢於違犯。失其歡心。又安望其依戀墟墓之誠耶。此一條著即刪去。仍遵例不赦。○又欽奉

恩詔。除十惡及謀故殺不赦外。犯法婦人。盡予赦免。○

又

諭京師自本月初旬連日大雨。永定河決口四處。中頂南頂及南苑一帶。俱經淹浸。猶幸決口處尚距盧溝橋南五六里。若再嚮北衝決。則京城及圓明園皆被水患。是

上天於降災示儆之中。仍寓

仁愛垂慈之意。叩感之餘。朕心益深兢惕。向來偶遇雨澤愆期。清理庶獄。以冀感召和甘。因思旱潦同一災。祲。此次雨水連綿。居民屋宇多有淹浸。而圉圉之中。蒸溼尤甚。殊堪憫惻。著刑部查明各省軍流以下各

案。無論已結未結。在配在途。概行分別減等發落。其因事牽涉拘繫候質各犯。亦速行訊明省釋。至尋常案件。並著即行完結。毋得稍遲。○十年。欽奉

恩詔。奉天吉林黑龍江等處。除十惡死罪不赦外。凡已結正未結正死罪。俱著減等。其軍流徒杖等罪。俱著寬釋。○十一年

諭。欽恤庶獄。仁政所先。溯查乾隆十一年。

皇考高宗純皇帝曾大沛

恩慈。

特頒省刑

諭旨。朕仰承

皇考付託之重。自嘉慶元年

授璽大廷。敬聆

訓政。迨四年親政後。恪遵

成憲。夙夜孜孜。以愛育黎元為念。適值勦辦三省邪匪。

廓除淨盡。嘉與薄海蒼生。共享昇平。休養生息。此實

仰賴

昊蒼眷佑。

列聖貽庥。俾臻康乂。茲當紀年開表。著加恩遵照乾隆

十一年之例。所有刑部及各省已經結案監禁人犯。

除情罪重大。及常赦所不原者。毋庸查辦外。其餘著
大學士會同刑部酌量案情輕重。分別請旨減等發
落。其軍流徒杖以下人犯。一併分析減等完結。俾霑
寬宥之恩。勉圖自新之路。以副朕錫福兆民至意。○

十二年

諭。京師入春以來。雨澤稀少。近日設壇祈禱。仍未普沛
甘膏。宵旰焦思。時深殷盼。朕惟清理庶獄。亦感召和
甘之一端。向來軍流以下人犯。間予減等發落。但積
賊窩匪。若概行赦寬釋回。該匪等未必革面洗心。仍
為地方之害。且上年恩旨。各省辦理減等。現在查辦

尚未全竣。今因京畿望澤。再沛恩施。除積賊人犯不必查辦。並各省軍流以下人犯。此次毋庸一律辦理外。著刑部將直隸一省及部中審擬軍流等罪。已未到配官常各犯。詳查案情。擇其情稍可原者。無論遠年近年。迅即開單具奏。候朕量加寬宥。其因事牽涉拘繫候質各犯。亦速行訊明省釋。至尋常案件。亦著即行完結。毋得稍滯。庶幾祥和。翕應。速沛甘霖。○十

三年

諭朕此次巡莅天津。慶澤覃敷。俾羣黎咸霑惠愷。因思清理庶獄。予以自新。亦恩施所宜逮。所有直隸省軍

流以下人犯。著該督飭屬查覈案情。分別減等發落。
○十四年欽奉

恩詔。各省軍流以下人犯。俱著減等發落。○又議准。凡
因觸犯問擬軍罪。在配脫逃被獲。例應加等改
發之犯。即查詢犯親。願令回籍。按照軍犯脫逃
過

赦得免逃罪之例。止准免其逃罪。仍應發原配充軍。
不得與在配未脫逃人犯一律減徒。但此等人
犯。本係伊祖父母父母呈請發遣。既經過

赦查詢。願令回籍。若仍令羈留軍配。不得遂其烏私。

殊非曲體為人父母者望子之心。查軍流徒事同一例。自應與觸犯發遣應准減徒之犯均照親老留養例免其刺字。加號四十日。滿日交與犯親領回管束。如犯親不願領回。或業已物故。即應刺字改發。不准免其逃罪。○十六年

諭。朕此次西巡。駐蹕五臺。閻澤。卓敷。同霑渥惠。因思清理庶獄。予以自新。亦恩施所宜逮。著加恩將山西省軍流以下人犯。分別情節。減等發落。○又

諭。直隸軍流以下人犯。亦著加恩。交該督分別情罪。減等發落。○又

諭近以京畿望澤孔殷。設壇祈禱。尚未渥沛甘膏。豫東二省疆吏亦均奏報缺雨。朕心深為焦急。因思清理庶獄亦感召和甘之一端。著刑部即將部中審擬軍流以下官常各犯。分別奏明減等辦理。其因事牽涉拘繫候質各犯。速即審明省釋。尋常案件亦著速行完結。毋得稽滯。其豫東二省並著一體遵照辦理。

又

諭刑部具奏京城普被甘霖。遵例停止軍流減等一摺。前因京畿一帶雨澤稀少。豫東二省亦俱奏報缺雨。降旨交刑部清理庶獄。將軍流以下各犯分別減等。

並著豫東二省一體遵照辦理。以冀感召祥和。甘膏
速沛。本月十三日以後。連次得雨。四野均霑。朕於二
十二日躬詣

三壇報祀。仍復默籲

神庥。旋即陰雲密布。朕禮成回園。途間大雨滂沱。已
極優渥。自昨夜至今。連宵達旦。復廉纖未已。仰見

昊慈眷注。誠切感孚。實深欽慰。所有此次減等發落之
軍流以下人犯。如照向例。即於二十二日停止。尚非
朕仰荷

天恩推和布澤之意。著加恩再行展限三日。並著豫東

二省亦一律遵照。於得雨三日之後停止。嗣後遇有祈禱雨澤。酌減軍流以下紫犯。俱著於大沛甘霖三日之後再行截止。○十七年

諭。富存於上年見另案被母呈送園禁之人。有呈懇釋放者。伊心懷憂悶。自稱父母俱故。不能放出。勸慰莫解。因而自戕。閱其情節。亦覺可憫。子於父母。如有干犯重情。早經依律治罪。其偶違教令。經父母一時之怒。送官監禁者。情節本屬稍差。伊父母呈懇釋放。亦尚有不忍遽絕其子之心。設伊父母猝患危疾。及衰老身故。該犯羈身園土。聞信後漠不關心。是其天良

漸滅無可矜憐。若尚知倦念天親。哀思悔恨。痛不欲生。竟以無人懇釋。因而自戕。或痠斃。因圖。亦無以廣法外之仁。著刑部會同宗人府覈議。並此外旗人民人經父母呈送忤逆之犯。其父母因病身故。有情節類此者。應如何訊問本犯。酌理準情。分別應禁應釋。詳議條款。奏定後。載入則例。遵行。欽此。遵

旨議准。嗣後呈送發遣圍禁之犯。除恭逢

恩赦。仍遵定例查訊辦理外。若遇有犯親病故。許令親屬呈報各該旗籍。並行知配所。查覈原案。止係一時偶有觸犯。尚無怙終。屢犯重情。並查看

本犯果有聞喪哀痛情狀。係宗室覺羅。由宗人府奏請釋放。係旗民人。由配所咨部覈明奏請釋放。若情節較重之犯。俱不准釋回。○二十二年

諭。現在京畿雨澤愆期。著刑部即將部中及直隸省軍流以上人犯。分別奏明減等發落。○二十四年。欽奉恩詔。各省軍流以下人犯。俱著減等發落。○二十五年。

欽奉

恩詔。官吏兵民人等有犯。除謀反叛逆。子孫謀殺祖父。母父母。內亂。妻妾殺夫。奴婢殺家長。殺一家非死罪。

三人採生折割人。謀殺故殺真正人命。盡毒魘魅毒藥殺人。強盜妖言。十惡等。真正死罪不赦外。軍機獲罪。隱匿逃人。亦不赦外。其餘自嘉慶二十五年八月二十七日昧爽以前。已發覺未發覺已結未結者。咸赦除之。有以赦前事告訐者。以其罪罪之。○又欽奉恩詔。各省軍流人犯。查明到配三年。實在安靜守法。及年逾七十者。釋放回籍。○又欽奉

恩詔。現在內外監候質審及干連人等。俱著准其保釋。軍流人犯。有本人身故。其妻子情願回籍者。該管官報明該部。准令各回原籍。○又欽奉

恩詔。除十惡不赦外。犯法婦人。盡行赦免。